


A *rubá***A** *ntaño*

Recordando e Aña di La Reina



Ora cu nos ta referi na nos ARUBA ANTANO, nos princesa-reina-princesa JULIANA a yega di bishita nos dushi Aruba den varios ocasion, y asina a marca historia den nos suelo arubano.

Na 1944 el a realiza su prome viahe pa Antillas y awe cu ta Aruba fuera di e constelacion. Su prome bishita tabata net na vispera di e terminacion di e segunda guerra mundial.

Su prome yegada como Su Majestad Reina Juliana tabata na 1955 ora cu su avion a aterriz na Aeropuerto Beatrix y caminda nos por mira (foto) e recibimento door di Don Juan Enrique Yrausquin (q.e.p.d.) na e terminal bieu (e numero 3 den nos historia). Tambe nos por ilustra un foto di RVD caminda su majestad Reina Juliana a caba di asisti na un sacrificio di misa na e Kerki Protestant na Oranjestad.

Riba nos suelo tambe Reina Juliana a mostra cu e Cas Oranje semper a mostra interes y importancia pa esnan cu ta sufri. Su bishita na e monumento cu no tey mas, esta San Pedro Hospital, ora cu el a bishita e hendenan malu, hospitaliza.

Prins Bernhard a mostra mescos cu Prins Hendrik hopi interes den y pa Padvinderij. E grafico ta mostra caminda cu durante su bishita na e Padvinderskamp na Palm Beach.

Durante su bishita na Antillas, y ora cu el a yega Aruba e deseo di a keda mas tabatey. Aruba mescos, cu Curacao tabata mes grandi den amor, pa Oranje. Tur parti e muchanan a canta p'e, na Oranjestad, na Santa Cruz y Sabaneta y naturalmente na San Nicolas, tabatin un 1400 mucha riba pia pa salud'e. Un dia tabata cortico di por a mira tur loke Aruba tin, pero suficiente pa e por a expresa di e canticanan "Schoon is de West" cual tabata un berdad profundo.

Ora cu e añanan a pasa, tur e problemanan chikito y grandi a ser resolvi y riba 15 di december 1954 a ser firma den e Ridderzaal na Den Haag e Statuut di Antillas Hulandes. Un foto di NFP ta ilustra e momento historico e tempo y ainda pa Antillas y Aruba cu actual ta for di e constelacion antillano. Esaki ta caminda cu door di e firmamento di e Statuut cada isla a haya e derecho di forma un eilandsbestuur. E pueblonan por a eligi nan hendenan, y e islanan a haya e derecho y e deber di regla nan propio asuntonan, y e gobierno central tin di mira y para y percura pa cu cada isla haya e mesun derecho y oportunidad.

Su Majestad Reina Juliana riba un mainta di un solo brillante cual semper nos sa disfruta di dje, a realiza e develo di e statua di un tempo nos Reina Stimá Wilhelmina autora di su dianan den e parque cu a bin carga e nomber di Wilhelmina Park, na Oranjestad (Playa).

La Reina y e Prins a disfruta di e atencion festivo na nan honor cu Aruba a brinda nan, y cada arubiano a comprende e berdad di un decir Francés "Tumando despedida ta muri un tiki".